

聖諭十六條附律易解

一
一
冊

同治七年十一月二十三日奉

上諭前據侍郎胡肇智呈進前任安徽潁州府教授夏

忻恭繹

聖諭十六條附律易解一卷暨所撰檀弓辨誣三卷述朱
質疑十六卷當交南書房翰林閱看據稱該員所
輯附律易解尙得周官與民讀法遺意用於講約
甚有裨益其檀弓辨誣述朱質疑二書亦均能有
所發明該員年屆耄耋篤學不倦甚屬可嘉卽著
武英殿將該員所繹

聖諭十六條附律易解刊刻頒發其檀弓辨誣述朱質疑
兩書均著畱覽欽此

同治九年九月

欽差大臣太子太保兵部尙書兼都察院右都御史總
督陝甘等處地方軍務糧餉兼理茶馬管巡撫事

一等恪靖伯

臣

左宗棠恭錄刊發

聖諭十六條附律易解

婺源縣教諭前

武英殿

選金元三
史分校官

臣夏忻恭繹

聖諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜才用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠窩逃以免株連

完錢糧以省催科

聯保甲以弭盜賊

解讎忿以重身命

恭案這十六條乃康熙九年我

聖祖仁皇帝頒發下來的我

大清順治元年

世祖章皇帝撫有中夏曾於順治九年

欽頒六諭曰孝順父母恭敬長上和睦鄉里教訓子孫各

安生理無作非爲

聖祖仁皇帝衍之爲十六條及雍正二年

世宗憲皇帝又頒發

聖諭廣訓萬言諭所以教訓爾軍民者委曲詳盡無微不至伏思

世祖六諭之旨盡在

聖祖十六條之中而

世宗廣訓萬言卽所以發明十六條之理故今每月既爲爾等恭講

聖諭廣訓又恐爾民愚魯者多不諳文理不通官話是以先就十六條用俗語解說後附載簡明律例使爾軍民中識字之人傳看誦習並講與不識字人知

道凡農暇無事之時或一家父子兄弟或一里耆老卑幼互相講說儻文理仍未盡曉求村中蒙師及讀書之人指授久久自然明白庶幾風俗日美人心日厚實於爾等有厚望焉

聖諭第一條敦孝弟以重人倫

恭案這第一條

聖諭即

世祖六諭文所謂孝順父母恭敬長上是也何謂孝盡子職是也何謂弟盡弟職是也何謂倫君臣父子夫

婦兄弟朋友是也天下之人莫不在五倫之中故
謂之人倫敦是著實用力也人倫雖有五惟孝弟
二者最重人能在孝弟上著實用力自然會忠於
君信於友和於夫婦了故曰敦孝弟以重人倫也
爾軍民聽得此句須猛省身從何來乃是父母生
下來的父母千辛萬苦養得兒子成立須事事依
順父母種田的要盡力農畝做生意的要用心貿
易當兵當工人的要習學武藝克勤克儉使父母
心下歡喜父母飲食貧苦家何能豐美然總要比

自己喫的好些父母衣服貧苦家何能華備然總
要比自己穿的好些父母有事動氣便要下跪磕
頭求父母解釋父母有病不可一刻輕離左右請
醫服藥晝夜用心服事若不幸至於大故衣衾棺
槨竭力備辦不可吝惜錢財父母的靈柩就該葬
埋入土爲安不可聽信風水遲延暴露至於人家
媳婦不明大義者多每每不能孝順公婆反要挑
唆丈夫爾等不可聽信婦人之言該苦勸他要孝
順公婆若是媳婦忤逆就是兒子忤逆一樣了切

宜猛省若是自己母親不在父親繼娶便與親母無異禮曰繼母如母古來閔子推車王祥臥冰皆是孝順繼母以仰體父親之心何嘗稍有分別至於兄弟猶如手足就是異母所生的也是同胞一般不可信妻子讒言不可信小人刁唆不可互爭產業鬪毆成訟不可分門別戶視若仇讎做哥哥的要愛惜諸弟就是諸弟有不是之處也要忍耐他做弟的要恭順兄長就是兄長有不是處也要尊重他父母見你兄弟和順心中自然快活卽死

在九泉之下魂魄亦是安的爲人若能如此雖愚民未嘗讀書與讀書者何異且高於讀書而不能孝弟者萬倍矣若不孝不弟之罪開列於左毋貽後悔

大清律例

凡子孫罵祖父母父母及妻妾罵夫之祖

父母父母者並絞

凡子孫毆祖父母父母及妻

妾毆夫之祖父母父母者皆斬殺者皆凌遲處死

凡子孫違犯祖父母父母教令及奉養有缺者

杖一百

凡弟妹罵同胞兄姊者杖一百 凡弟

妹毆同胞兄姊者杖九十徒二年半傷者杖一百
徒三年折傷者流三千里刃傷者絞死者斬 凡
居父母喪而身自嫁娶者杖一百居祖父母兄喪
而嫁娶者杖八十 凡親喪惑於風水經年不葬
者杖八十 凡祖父母父母在子孫別立戶籍分
異財產者杖一百若居父母喪而兄弟別籍異財
者杖八十

恭錄康熙五十二年直省老人慶祝

萬壽聖節賜宴後

上諭一道

諭直省老人帝王治天下發政施仁未嘗不以養老尊賢
爲首務今日之會特出此意若孝弟之意少輕而
求移風易俗其所厚者薄矣爾等皆是老者比回
鄉井各曉諭鄰里須先孝弟儻天下皆知孝弟爲
重此誠移風易俗之本也昨甘霖大沛朕心歡悅
爾等無負農時速回本地

恭案這一道

上諭乃康熙五十二年

頒賜直省老人並

諭令載入十六條內的我

聖祖仁皇帝久道化成五十一年直省老人進京祝

嘏既經

賜宴復於各歸本籍之時降此

諭旨深以民間孝弟爲念文雖不多質直渾樸恍如家人

父子互相告誡真是熙熙然唐虞三代氣象迄今

一百四十餘年敬謹展讀

天語諄諄不啻耳提面命也恭繹

聖諭之旨孝弟的道理不僅子弟所當自盡爲父兄的須要常常以此教訓故於直省老人比回鄉井之時令其各各曉諭鄉里以成移風易俗之美卽孟子所謂人人親其親長其長而天下平也未又

諭以甘霖大沛無負農時速回鄉里等語可見食爲民天聖心所最關切的爾百姓誠能服田力穡孝養父母即是天下第一等好民將來亦必身登大壽享子孫孝養之福也

聖諭第二條篤宗族以昭雍睦

恭案這第二條

聖諭卽從第一條孝弟中推出來的何謂宗同姓共祖之人也何謂族古者自高祖至元孫謂之九族其實聚族而處之人皆謂之族何謂雍睦和愛相親之意也篤是篤厚昭是光明言致厚於同宗聚族之人便有一段和愛相親氣象昭明光著於外故曰篤宗族以昭雍睦也爾軍民聽得此句須思量我之身是父母所生父母之身又是祖宗一脈流傳下來的凡今宗族之人雖有親疏以祖宗視之並